

Kandidati sa kojima se ne stupa u kontakt u roku od 10 (deset) dana od dana isteka roka za podnošenje prijave neće biti uzeti u razmatranje u daljem procesu imenovanja.

Konkurs ostaje otvoren 15 dana od dana posljednjeg objavljivanja.

Kandidati su dužni dostaviti prijave sa potrebnom dokumentacijom lično na protokol društva ili preporučenom poštom na adresu:

JKP "Vodovod i kanalizacija" d.o.o. Tuzla
Ulica 2 oktobar br. 1
75000 Tuzla

sa naznakom "Prijava na javni konkurs za Odbor za reviziju", -
Ne otvarati

Nepotpune i neblagovremene prijave neće se uzeti u razmatranje.

Kandidati će biti obavješteni o ishodu javnog konkursa, a priložena dokumentacija se neće vraćati.

(SI-1625/25-F)

SKUPŠTINA KANTONA SARAJEVO

Na osnovu čl. 8. i 9. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/03, 34/03 i 65/13), člana 16. stav (2) Zakona o Kantonalnoj agenciji za privlačenje investicija ("Službene novine Kantona Sarajevo", broj 19/22), člana 3. stav (1) Odluke o standardima i kriterijima za izbor i imenovanje na pozicije predsjednika i članova Nadzornog odbora Kantonalne agencije za privlačenje investicija i privatizaciju ("Službene novine Kantona Sarajevo", broj 42/25) i člana 37. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22 - Ispravka i 47/24), Komisija za izbor i imenovanja i administrativna pitanja Skupštine Kantona Sarajevo, objavljuje

JAVNI OGLAS

ZA IMENOVANJE PREDSEDNIKA I ČLANOVA NAZORNOG ODBORA KANTONALNE AGENCIJE ZA PRIVLAČENJE INVESTICIJA I PRIVATIZACIJU

I. Naziv pozicije

Objavljuje se javni oglas za imenovanje predsjednika i članova Nadzornog odbora Kantonalne agencije za privlačenje investicija i privatizaciju (predsjednik i dva člana).

II. Opis upražnjene pozicije

Nadzorni odbor Kantonalne agencije za privlačenje investicija i privatizaciju obavlja slijedeće poslove iz svoje nadležnosti:

- nadzire rad Agencije;
- donosi Poslovnik o svom radu;
- razmatra finansijski plan i programa rada Agencije i daje mišljenje Upravnom odboru;
- razmatra završni račun i izvještaj o radu Agencije i daje mišljenje Upravnom odboru;
- vrši i druge poslove u skladu sa zakonom i Statutom Agencije.

III. Opći uslovi

- Za predsjednika ili člana Nadzornog odbora može biti imenovan kandidat koji ispunjava slijedeće opće uslove:
 - da je državljanin Bosne i Hercegovine,
 - da je stariji od 18 godina,
 - da nije otpuštan iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine prije dana objavljivanja upražnjene pozicije,
 - da se na tog kandidata ne odnosi član IX 1. Ustava BiH;
 - da nije osuđivan za krivično djelo,
 - da nije osuđivan za privredni prijestup,
 - da se protiv njega ne vodi krivični postupak,

- da nije na funkciji u političkoj stranci,
- da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije BiH", broj 70/08).

IV. Posebni uslovi

Pored općih uslova, kandidat koji se imenuje za predsjednika ili člana Nadzornog odbora, mora ispunjavati i slijedeće posebne uslove:

- da ima univerzitetsku diplomu ili akademske kvalifikacije najmanje VII stepena stručne spreme, odnosno visoko obrazovanje prvog ili drugog ili trećeg ciklusa Bolonjskog sistema studiranja,
- da ima najmanje pet godina radnog staža u struci,
- da je upoznat sa propisima iz oblasti privatizacije,
- da posjeduje sposobnost da savjesno, odlučno i odgovorno obavlja upražnjene pozicije,
- da posjeduje sposobnost nepristrasnog donošenja odluka,
- da posjeduje sposobnost upravljanja finansijskim resursima i naklonjenost timskom radu,
- da posjeduje komunikacijske i organizacijske sposobnosti,
- da nije član upravnog ili nadzornog odbora ili drugog organa upravljanja u drugom organu ili instituciji.

V. Mandat i drugi uslovi

Predsjednik i članovi Nadzornog odbora imenuju se na period od četiri godine i mogu biti ponovno imenovani.

Predsjednik i članovi Nadzornog odbora imaju pravo na mjesečnu naknadu za svoj rad čiju visinu utvrđuje nadležna komisija Skupštine Kantona Sarajevo.

Konkursnu proceduru izbora i imenovanja predsjednika i članova Nadzornog odbora, provodi Komisija za provođenje Javnog oglasa za imenovanje predsjednika i članova Nadzornog odbora.

Svi kandidati koji budu ispunjavali opće i posebne uslove javnog oglasa bit će pozvani na intervju. Prilikom pozivanja kandidata na intervju, svaki kandidat mora ispuniti obrazac u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dode do njegovog imenovanja. Obrasci će se dostaviti kandidatima prije intervjuja. Skupština Kantona Sarajevo osigurat će da se izvrše javne objave konačnog imenovanja na upražnjenu poziciju.

Bilo koji kandidat ili zainteresirana stranka, može podnijeti prigovor na konačno imenovanje ako postoje dokazi da u procesu imenovanja nisu ispoštovani principi i postupci utvrđeni zakonom.

Prigovor se podnosi Komisiji za izbor i imenovanja i administrativna pitanja Skupštine Kantona Sarajevo, a kopija se dostavlja Ombudsmenu za ljudska prava Bosne i Hercegovine.

VI. Potrebna dokumentacija

Kandidat je dužan uz prijavu na javni oglas, koja sadrži biografiju-CV, adresu i kontakt telefon, priložiti slijedeće dokumente:

- izvod iz matične knjige rođenih;
- uvjerenje o državljanstvu (ne starije od šest mjeseci);
- diplomu ili uvjerenje o završenoj školskoj spremi;
- uvjerenje/potvrdu o radnom stažu u struci nakon sticanja visoke školske spreme;
- izjavu da nije otpuštan iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine prije dana objavljivanja upražnjene pozicije;
- izjavu da se na kandidata ne odnosi odredba člana IX 1. Ustava Bosne i Hercegovine;
- izjavu-saglasnost (ovjerena od strane nadležnog organa) da Komisija po službenoj dužnosti pribavi uvjerenje da nije osuđivan za krivično djelo, da nije osuđivan za privredni prijestup i uvjerenje da se protiv kandidata ne vodi krivični postupak, a izuzetno kandidati za koje nije moguće po

službenoj dužnosti pribaviti navedena uvjerenja će biti posebno kontaktirani u cilju pribavljanja istih;

- h) izjavu da nije na funkciji u političkoj stranci;
- i) izjavu da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije BiH", broj 70/08);
- j) izjavu da nije član upravnog ili nadzornog odbora ili drugog organa upravljanja u drugom organu ili instituciji.

Uvjerenja iz tačke g) Komisija će pribaviti po službenoj dužnosti samo za izabranog kandidata i tek po okončanju Javnog oglasa.

Dokumenti koji se prilažu moraju biti originalni ili ovjerene kopije. Sve izjave kandidati su dužni dostaviti ovjerene od nadležnih organa.

VII. Podnošenje prijave

Javni oglas će biti objavljen u "Službenim novinama Federacije BiH" i dnevnom listu "Oslobodjenje", kao i na web stranici Skupštine Kantona Sarajevo. Rok za dostavljanje prijave je 15 (petnaest) dana od dana objavljivanja javnog oglasa u "Službenim novinama Federacije BiH".

Prijavu na javni oglas sa svim traženim dokumentima potrebno je dostaviti lično ili preporučenom poštom u zatvorenoj koverti, na adresu: Skupština Kantona Sarajevo, Komisija za provođenje Javnog oglasa za imenovanje predsjednika i članova Nadzornog odbora Kantonalne agencije za privlačenje investicija i privatizaciju, ul. Reisa Džemaludina Čauševića broj 1, 71000 Sarajevo, sa naznakom:

"Prijava na javni oglas za imenovanje predsjednika i članova Nadzornog odbora Kantonalne agencije za privlačenje investicija i privatizaciju - NE OTVARATI"

Nepotpune i neblagovremene prijave neće se uzeti u razmatranje.

(SI-1626/25-F)

MINISTARSTVO PRIVREDE TUZLANSKOG KANTONA

U skladu sa članom 232. stav 1. tačka a) Zakona o privrednim društvima ("Službene novine Federacije BiH", br. 81/15 i 75/21), člana 118. stav 1. tačka (o) Statuta Rudnika soli "TUZLA" d.d. Tuzla, (broj 02-01/16-2958 od 29.08.2016. godine i broj 02-01/20-745 od 18.02.2020. godine), Ministarstvo privrede Tuzlanskog kantona je donijelo Odluku o sazivanju 53. vanredne Skupštine Društva, broj 03/1-14-32377/25 od 30.10.2025. godine i ovim putem objavljuje

OBAVJEŠTENJE

O SAZIVANJU 53. VANREDNE SKUPŠTINE DIONIČKOG DRUŠTVA RUDNIK SOLI "TUZLA" TUZLA

Saziva se 53. vanredna Skupština Rudnika soli "TUZLA" d.d. Tuzla, saziva se za dan 17.11.2025. godine (ponedjeljak), sa početkom u 15:00 sati u Tuzli, u prostorijama "Male sale" Rudnika soli "TUZLA" d.d. Tuzla, smještenog na adresi Tušanj br. 66.

Za 53. vanrednu Skupštinu se predlaže slijedeći

DNEVNI RED

1. Otvaranje Skupštine, izbor predsjednika Skupštine i dva ovjerivača zapisnika o radu Skupštine.
2. Odluka o privremenom imenovanju članova Nadzornog odbora Rudnika soli "TUZLA" d.d. Tuzla u trajanju do tri mjeseca.
3. Odluka o davanju prethodne saglasnosti Skupštine Društva na tekst Ugovora o utvrđivanju prava, obaveza i odgovornosti u obavljanju pozicije predsjednika i člana Nadzornog odbora Rudnika soli "TUZLA" d.d. Tuzla.

I. Predsjednik Skupštine

Do izbora predsjednika Skupštine, Skupštinom će predsjedavati prisutni dioničar ili punomoćnik sa najvećim brojem dionica sa pravom glasa. Skupština većinom glasova, između prisutnih dioničara ili punomoćnika dioničara bira predsjednika Skupštine i dva ovjerivača Zapisnika Skupštine.

II. Pravo učešća i prijava za učešće u radu i odlučivanju Skupštine

Pravo učešća u radu i odlučivanju Skupštine imaju dioničari koji se nalaze na listi dioničara kod Registra vrijednosnih papira 30 dana prije datuma održavanja Skupštine.

Skupštini Rudnika soli "TUZLA" d.d. Tuzla mogu prisustvovati dioničari ili njihovi punomoćnici koji su se prijavili za učešće u radu i odlučivanju Skupštine najkasnije 3 (tri) dana prije dana održavanja Skupštine.

Dioničar ili punomoćnik dioničara dužan je podnijeti prijavu za učešće u radu i odlučivanju Skupštine, lično ili preporučenom poštom na adresu:

RUDNIK SOLI "TUZLA" D.D. TUZLA, ulica Tušanj broj 66, 75000 Tuzla, sa naznakom "Za Odbor za glasanje".

Uz prijavu se obavezno prilaže fotokopija isprave za identifikaciju (lična karta ili pasoš). U slučaju neposrednog prijavljivanja, prijava se podnosi u sjedištu Društva, smještenog na adresi Tušanj broj 66, 75000 Tuzla, kancelarija broj 5.

Dioničar ili grupa dioničara sa najmanje 5% ukupnog broja dionica sa pravom glasa, ima pravo pismeno predložiti pitanja i prijedloge Odluka za uvrštavanje na dnevni red Skupštine Društva, kao i izmjenu dnevnog reda i prijedloga odluka Skupštine.

Prijedlog se dostavlja u pisanom obliku neposredno ili preporučenom poštom na gore navedenu adresu, najkasnije u roku od 8 (osam) dana od dana objavljivanja ovog Obavještenja.

III. Pravo učešća u radu i odlučivanju Skupštine putem punomoćnika

Pravo učešća u radu i odlučivanju Skupštine, dioničar može ostvariti neposredno ili putem punomoćnika.

Punomoć za učešće u radu i odlučivanju Skupštine Rudnik soli "TUZLA" d.d. Tuzla daje se u obliku pisane izjave, potpisane od strane dioničara-vlastodavca i punomoćnika ovjerena od strane nadležnog organa i dostavlja se Društvu lično ili poštanskom pošiljkom na adresu:

RUDNIK SOLI "TUZLA" D.D. TUZLA,
ulica Tušanj broj 66., 75000 Tuzla ili
faksom na broj 035/281-652

IV. Glasanje na Skupštini

Glasanje na Skupštini se vrši putem glasačkih listića zaokruživanjem na glasačkom listiću odgovora "ZA" ili "PROTIV" prijedloga odluke.

V. Uvid u materijale za Skupštinu

Narednog dana od dana objavljivanja Obavještenja do dana održavanja Skupštine dioničar/punomoćnik ima pravo uvida u materijale pripremljene za Skupštinu u prostorijama Rudnika soli "TUZLA" d.d. Tuzla, svakim radnim danom u vremenu od 9,00 do 14,00 sati.

(SI-1623/25-F)

POSTAVLJENJE PRIVREMENOG ZASTUPNIKA

Općinski sud u Širokom Brijegu, sutkinja Snježana Parlajn, u pravnoj stvari tužitelja Mateo Kovačić, Turčinović 16. Široki Brijeg, zastupanog po Odvjetničkom društvu Kvesić & Martinović d.o.o. Široki Brijeg, Trnska cesta 24. Široki Brijeg, protiv tuženika 1. Anda Kovačić, nepoznatog prebivališta i boravišta, 2. Šima Primorac rod. Kovačić, nepoznatog prebivališta i boravišta, 3. Kata Primorac, nepoznatog prebivališta i boravišta, 4. Luca Primorac, nepoznatog prebivališta i boravišta, 5. Šima Jelić, nepoznatog prebivališta i boravišta, 6. Nikola Cvitanović, nepoznatog prebivališta i boravišta, 7. Nikola Kovačić, nepoznatog prebivališta i boravišta,